

Broj: *11.599/18*  
Datum: *20.03.2018 god.*

Na osnovu člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14), člana 41. Statuta JP „Televizija Kantona Sarajevo“ d.o.o. Sarajevo, broj: 03-28/13 od 29.10.2013.godine, Izvještaja i Preporuke Komisije za provođenje postupaka javnih nabavki u JP „Televizija Kantona Sarajevo“ d.o.o. Sarajevo, broj: 01-555/18 od 13.3.2018.godine, u postupku javne usluge oglašavanje na LED displeju na lokaciji Marijin Dvor za potrebe JP „Televizija Kantona Sarajevo“ d.o.o. Sarajevo, direktor donosi

**ODLUKU**  
**o izboru najpovoljnijeg ponuđača**

Član 1.

Prihvata se Izvještaj i Preporuka Komisije za javne nabavke roba, usluga i radova u JP „Televizija Kantona Sarajevo“ d.o.o. Sarajevo, broj: 01-555/18 od 13.3.2018.godine, ugovor za javnu nabavku usluge oglašavanje na LED displeju na lokaciji Marijin Dvor, dodjeljuje se ponuđaču „MAGROS - VELETROVINA“ d.o.o. Sarajevo, ponuda, broj protokola: 01-544/18, za ponudenu cijenu od 30.000,00 KM bez PDV-a, kao najpovoljnijem ponuđaču.

Član 2.

Prijedlog ugovora o nabavci dostavit će se na potpis izabranom ponuđaču po protoku roka od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Za izvršenje ove Odluke zadužuju se Služba finansija i Služba marketinga.

Član 4.

Odluka će se objaviti na web stranici [www.tvsa.ba](http://www.tvsa.ba) istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav 6 Zakona o javnim nabavkama.

Član 5.

Ova Odluka dostavlja se svim ponuđačima koji su sudjelovali u postupku javne nabavke, u skladu sa članom 71. stav 2 Zakona o javnim nabavkama, u roku od sedam (7) dana, te će se uz Odluku dostaviti Zapisnik o pregledu i ocjeni ponuda.

Član 6.

Odluka stupa na snagu danom donošenja.

**Obrazloženje:**

Odlukom o pokretanju postupka javne nabavke putem konkurentskog zahtjeva za dostavljanje ponuda, broj: 01-427/18 od 26.02.2018. godine, pokrenut je postupak javne nabavke usluge za potrebe JP „Televizija Kantona Sarajevo“ d.o.o. Sarajevo, i to oglašavanje na LED displeju na lokaciji Marijin Dvor.

Ukupna procjenjena vrijednost javne nabavke u vrijeme donošenja Odluke iznosi 30.000,00 KM bez PDV-a. Postupak je proveden objavom na portalu javnih nabavki, broj: 1143-7-2-4-3-3/18 od 02.3.2018.godine.

Postupak javne nabavke robe provela je Komisija za provođenje postupaka javnih nabavki u JP „Televizija Kantona Sarajevo“ d.o.o. Sarajevo (u daljem tekstu: Komisija), imenovana Rješenjem direktora, broj: 01-507/16 od 17.3.2016.godine.

Nakon provedenog postupka javne nabavke Komisija je dostavila direktoru Izvještaj i Preporuku, broj: 01-555/18 od 13.3.2018.godine, te kao sastavni dio istog Zapisnik o pregledu i ocjeni ponuda, broj: 01-554/18 od 13.3.2018.godine i Zapisnik sa otvaranja ponuda, broj: 01-547/18 od 12.3.2018.godine.

Uvidom u Izvještaj i preporuku utvrđeno je da je Komisija blagovremeno i pravilno izvršila otvaranje i ocjenu prispjelih ponuda, o čemu je sačinila Zapisnik sa otvaranja ponuda i Zapisnik o pregledu i ocjeni ponuda, kao i sljedeće:

Krajnji rok za dostavljanje ponuda bio je 02.3.2018.godine do 12:00 sati, a javno otvaranje 02.3.2018.godine u 13:00 sati, u prostorijama JP „Televizija Kantona Sarajevo“, ul. Bulevar Meše Selimovića 12.

Dana u 02.3.2018.godine Komisija je pristupila javnom otvaranju ponuda za nabavku usluge – oglašavanje na LED displeju na lokaciji Marijin Dvor, te je utvrđeno sljedeće:

- da je do roka utvrđenog zahtjevom za dostavljanje ponuda jedan (1) ponuđač dostavio svoju ponudu:

1. „MAGROS – VELETRGOVINA“ d.o.o. Sarajevo, ul. Vrbanja bb, 71 000 SARAJEVO

- da javnom otvaranju nisu prisustvovali predstavnici ponuđača.
- da je u postupku provjere kvalifikacija ponuđača utvrđeno da je ponuda dostavljena od strane kvalificiranog ponuđača koji je ispunio uvjete utvrđene u tenderskoj dokumentaciji i stekao uvjete za izbor najpovoljnijeg ponuđača čija ponuda zadovoljava kriterije iz tenderske dokumentaciji.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno mogli biti osnov neprihvatanja preporuke Komisije za javne nabavke.

U postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav 1 tačka Zakona o javnim nabavkama, odlučeno kao u dispozitivu ove Odluke.

**J.P. TELEVIZIJA KANTONA SARAJEVO D.O.O.**  
**TELEVISION OF CANTON SARAJEVO**

Bulevar Meše Selimovića 12 - 71000 Sarajevo - Bosna i Hercegovina

[www.tvsa.ba](http://www.tvsa.ba)

UniCredit Bank d.d. Sarajevo: 3386902215316670 - ID No: 4200556770003 - PDV No: 200556770003



**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje ugovornom organu JP „Televizija Kantona Sarajevo“ d.o.o. Sarajevo u pisanoj formi direktno ili preporučenom poštanskom pošiljkom na adresu Bulevar Meše Selimovića 12, Sarajevo.

Žalba se podnosi u dovoljnom broju primjeraka, a koji ne može biti manji od tri (3) primjerka.



mr. / sc. Elvir Resić

Dostavljeno:

1. Ponuđač
2. Služba finansija
3. A/a